

Болашақтың айқын бағыты

Егемендік жылдары экономикасы ойдағыдай дамып келе жатқан заманауи мемлекет құрып, бейбітшілік пен қоғамдық тұрақтылық қамтамасыз етілген осынау кезеңде Елбасымыз кезекті Жолдауын халқымызға ұсынуда.

Қоғамның барлық салаларында жүргізілген әлеуметтік, саяси және экономикалық реформалардың арқасында еліміздің халықаралық беделі артып, жылдан-жылға саяси абыройы күшейіп келетіндігі баршамызға мәлім.

Сонымен қатар, соңғы жылдары әлем қарқынды түрде өзгеруде. Цифрландыру, автоматтандыру, жаңа технологиялардың дамуы адами капитал сапасына деген талаптарды жаңаша қоюда. Осы орайда Қазақстан Республикасының Президенті Н.Ә.Назарбаев халқымыздың әл-ауқатын өсіру бойынша бірқатар тың бастамалар ұсынды.

2019 жылдың 1 қаңтарынан бастап ең төменгі жала-



қыны 1,5 есе, яғни 28 мыңнан 42 мыңға дейін өсіру тапсырылды. Сондай-ақ алдағы 5 жыл ішінде білім, ғылым, денсаулық сақтау салаларына барлық көздерден жұмсалатын қаражатты ішкі жалпы өнімнің 10 пайызына дейін жеткізу қажет.

Мектепке дейінгі және орта білім беру сапасын жақсарту қажеттілігімен білім сапасын бағалау жүйесі халықаралық стандарттарға негізделуге тиіс екендігі баса айтылды. Елбасы осы жолдауында: "Назар-

баев зияткерлік мектептерінің оқыту жүйесі мен әдістемесі мемлекеттік мектептер үшін бірыңғай стандарт болуға тиіс. Бұл мектеп білімін реформалаудың қорытынды кезеңі болады", – деп тұжырымдады.

Жоғары білім беру саласында заман талабына сай маман дайындау сапасына да қатысты талаптар күшейтілетіні туралы ескертілді. Ұстаздардың жүктемесін азайтуға, оларды жөнсіз тексерістер мен міндеттен тыс функциялар-

дан арашалауға тиіс "Педагог мәртебесі туралы" заңды әзірлеу тапсырылды. Сол сияқты Білім және ғылым министрлігі биыл тиісті "Жол картасын" жасайтын болды. Жалпы, жастарды қолдау мақсатында келесі жылды "Жастар жылы" деп жариялау ұсынылды.

"Рухани жаңғыру" бағдарламасы кең қолдауға ие болып, қоғамдағы жаңғыру үдерістеріне зор серпін беруде екендігі айтылды.

Осындай іс-шаралардың жүзеге асырылуы – қазақстандықтардың табыстарының тұрақты өсімі мен тұрмыс сапасының артуының негізгі факторы. Қазақстанның тұрақты дамуы одан әрі арта түсетіндігіне сеніміміз мол және біз алдымызға қойылған жаңа міндеттерді атқаруға дайынбыз.

С.ҚУАНЫШБАЕВ,
Ы.Алтынсарин атындағы Арқалық мемлекеттік педагогикалық институтының ректоры.